

PL
2615
K6
1699
v.3



桐川俞長城論次

十九冊

十九冊

王守溪高

題王守溪稿

制義之有守溪猶史之

詩之有少陵書法之有

軍更

百世而莫並者也前此風會未
開守溪無所不有後此時流屢

變守溪無所不包理至守溪而
實氣至守溪而舒神至守溪而
完法至守溪而備蓋千
人力

維千古士莫不奉爲尸

惡其彫鏤疵其圓熟則亦過

之論矣運值天地之和居得

川之秀夾輔盛明大有一

遭逢疑貳明夷而不悔
聖學

爲賢於文章爲聖於六經爲臣

於諸家爲祖豈非一代之俊英

斯文之宗主歟

祠川俞長城題

名義制義目錄

柯川俞長城論次

成化朝

王 鑒

卷十有五

全事

文獻不足

二句

奔而毀將入門

君娶於吳

孟子

民可使由

一節

巍巍乎舜

一節

瞻之在前

二句

食不厭精

全早

○君賜食必

一節

季氏富於周公

○百姓足君

不足

○邦有道危言危行

受之能勿

一節

無為而治

一節

王
鑒

有一言而

恕乎

斯民也三

一節

齊景公有

二段

○邦君之妻

一節

三點人曰

去乎

太師摯適

全章

故治國在

至末

此謂惟仁

惡人

故君子語

四句

故大德必

至木

○武王纘太

庶人

身不失天

一句

郊社之禮

一節

思事親不

知天

不誠無物

一句

詩曰奏假

二節

昔者文王

不孥

見賢焉然

二句

王 整 三

由湯至於

久矣

何事非君

二句

孟子道性

一節

鄉田同井

私事

許子必種

一節

○周公兼夷

姓寧

是尚為能

一句

則不知足

二句

人有不為

一節

晉之乘楚

二節

五就湯五

三句

仁內也非

四句

嗜秦人之

一節

有安社稷

一節

恭敬者幣

二句

吾十有五

全章

上 整

聖人於學之所至必自明以示人也蓋聖人之心不自聖也今乃獨

究其學之所至如此得非因其近似以自明哉且夫有聖人之資則

有聖人之學聖人之意以為始吾十有五也吾覺有志焉志于大學

之道念在茲釋在茲而此心所向之明也迨吾之三十也吾覺有立

焉造乎大學之地富不淫貧不移而此心所守之固也既而四十焉

則覺夫事理之當然者明徹于心無理弗窮也而無所事守矣既而

五十焉則覺夫事理之所以然者昭融于心無微弗照也而不惑又

不足言矣知既進矣六十覺又進焉故耳焉方聞于聲心焉即悟其

○一○辭○當○人○千○百○

○高○老○

○六○北○俱○用○

○竟○字○是○想○像○

○迴○頻○法○

○重○遍○法○

理○心○與○理○相○涵○不○待○思○而○得○也○其○知○之○至○乎○行○既○盡○矣○七○十○覺○又○進○
焉○心○焉○隨○其○所○欲○行○焉○不○過○乎○矩○心○與○理○化○不○待○勉○而○中○也○其○行○之○
至○乎○聖○人○因○其○近○似○以○自○明○如○此○所○以○欲○學○者○以○是○為○則○而○自○勉○矣○
說○學○便○補○出○質○說○已○便○帶○着○人○皆○題○中○應○有○之○意○但○夾○入○聖○人○口○
中○即○覺○泥○帶○水○看○他○用○在○斷○處○便○爾○高○老○六○比○天○造○地○設○下○語○
的○實○用○法○完○密○確○然○不○易○

文獻不足

二句

王 鑒

聖人歎古禮無徵之由必重以古禮可徵之意蓋文獻者禮之所由
徵也聖人於足與不足而反覆其意如此蓋謂夏禮吾能言之杞不
足徵也殷禮吾能言之宋不足徵也其故非有他也彼文典籍也所
以紀載乎禮者也大而朝廷之簡冊小而司之簿書皆是也獻賢
人也所以傳習乎禮者也貴則世臣之宿望賤則郊野之遺民皆是
也今杞淪於夷而宋流于霸各失其舊矣殘篇斷簡猶有存者然有
其綱而失其目既無全文之可觀故家遺俗亦有存焉然知其末而
失其本又無成說之可信文獻之不足如此是以謂杞之不足徵夏

劉任不足

○預○陟○故○字○委○曲○分○明○

大字核

獻字核

○失○故○字○

禮○非○以○其○杞○小○也○謂○宋○之○不○足○徵○殷○禮○非○以○其○宋○衰○也○正○以○文○獻○不○

足○故○耳○使○二○國○之○典○籍○具○存○如○朝○廷○之○政○有○司○之○事○大○小○輕○重○記○載○

足字核

而○無○遺○二○國○之○賢○人○具○在○如○世○臣○之○家○郊○野○之○內○貴○賤○長○幼○傳○說○而○

劃佳足

不○謬○文○獻○若○足○如○此○一○則○吾○必○能○考○成○二○王○立○法○之○意○推○究○二○代○致○治○

聖使典故採淹推宋博之致

之○體○如○忠○質○之○尚○以○同○風○俗○貢○助○之○行○以○定○賦○稅○寅○丑○建○正○之○不○同○

乾○坤○五○體○之○各○異○凡○若○此○類○者○將○欲○言○之○而○人○或○疑○之○吾○必○能○取○杞○

之○文○獻○以○証○神○禹○之○迹○豈○止○空○言○而○無○實○乎○苟○欲○論○之○而○人○不○信○之○

吾○亦○能○取○宋○之○文○獻○以○實○成○湯○之○事○豈○特○泛○論○而○無○據○乎○奈○之○何○卒○

不○足○也○則○言○之○無○徵○吾○無○如○夏○殷○之○禮○何○矣○

奔而殿將入門

王 鑒

稽大夫居殿之功者于其論功之地也。夫國門正論功之地也。大夫
奔殿而當將入之時其功豈容自揜哉。吾夫子感孟之反之不伐而
表之曰夫人非有功之難而善居功之難。吾謂孟之反之不伐于何
而見之見之于其殿矣。彼救敗于既敗之後者殿也。軍而殿焉固非
三軍之幸所以使彼不敢悉甲而來者則為三軍之福矣。反也不能
過齊人之銳固與衆而俱奔而獨有以當齊人之衝則後衆而為殿
是其奔也。雖反之所以不得不奔而其殿也正反之所以欲殿而殿
者此一時也。衆方潰北何知反之居殿而門之未及國人亦何自而

論○反○之○功○子○然○此○三○軍○也○戰○敗○而○還○雖○重○追○奔○之○辱○望○門○而○入○猶○興○
○如○画○
再○生○之○心○反○于○此○時○亦○將○入○矣○其○不○能○以○不○入○者○既○奔○之○勢○則○然○而○
○功○在○已○
其○不○能○以○還○入○者○居○殿○之○勢○所○至○衆○先○反○而○奔○其○先○反○而○入○乎○反○後○
衆○而○殿○其○後○衆○而○將○入○乎○是○其○欲○入○未○入○之○際○盖○不○特○三○军○之○士○見○
○更○見○當○伐○
其○捍○師○之○勇○而○國○人○之○觀○望○于○門○者○將○于○反○乎○歸○旋○師○之○功○矣○反○于○
此○時○其○欲○拚○而○卒○不○可○拚○者○耶○碩○歸○咎○于○馬○焉○不○伐○哉○孟○之○反○乎○
叙○次○點○染○如○身○履○行○間○得○左○史○佳○境○要○訣○又○在○深○記○反○功○以○為○嘗○
伐○地○步○欲○記○之○反○之○功○先○斲○諸○將○之○罪○此○謂○反○射○旁○觀○之○法○

君娶於吳

孟子

王鑒

用意

時君諱於嘉禮以見其不知禮也夫禮不可以娶同姓么不可以彰君之過也昭公之娶吳固非矣而夫子諱之又豈黨乎司敗不知而譏之故言於巫馬期曰禮由賢者出夫子非直為賢者也吾且以礼言之彼娶妻不娶同姓曲禮也謂之曲禮雖恒人猶不可違而况於民上者乎同姓百世而婚姻不通周道也謂之周道雖鄙夫宜無不知而况於人君者乎昭公夫子以為知禮者也其娶吳女以為配何也蓋論其世吳泰伯之後魯季歷之後其分封也非兄弟乎今娶其女綴之以姓而弗別合之以食而弗殊其在於禮果厚别乎夫使

却以冷語于反大

先伏礼字

其不知吳之為姬吾無責也彼有媿於心而駕言於吳孟子其迎

於郊國人皆曰夫人吳孟子也然國人可欺周道其可欺乎其疾于

朝宮人必曰夫人吳孟子也然宮人可罔曲禮其可罔乎吾固非知

道者但諱吳於宋則吳非姬矣吳非姬也何以不命於天子也耶代

姬於子則吳非族矣吳非族也何以不見於宗廟也耶是蓋欲以術

天下而已為智士之所非蓋吳之姓魯能易之吳不得為魯易之也

欲以愚後人而已為當世之所鄙蓋魯之姬不可為子猶宋之子不

可為姬也夫子以昭公為知禮其亦以娶同姓為禮乎聖人非不

知娶同姓為非禮也內君不可顯其失也亦非不知昭公娶同姓也

外臣不可顯與言也。司敗安知此哉。

反覆波瀾。始責之略。終責之盡。先後詳略。一步不苟。文子
埋伏照應。翻別轉折。古質險奧。而用句用字。俱有來歷。真昌黎文
字。初疑後半幅。侵下不知下二句。說在夫子身上。此處斷制。說
在昭公身上。侵處仍是不侵。正見手段也。

君娶於

王

上論

本朝金良山外傳曰。不。五。良。平。則。水。
乎。○。致。奔。半。則。不。不。味。不。二。白。滿。耳。夫。子。良。土。地。德。祥。開。經。
聖。大。康。廟。臨。降。此。刊。古。寶。劍。興。而。用。何。用。半。則。有。來。聖。真。昌。紫。文。
又。對。如。關。徵。責。之。如。然。責。之。盡。少。對。籍。一。世。不。符。女。千。千。
於。日。不。下。竭。是。有。山。同。和。或。或。是。此。

民可使由

二句

王 鑒

能使民循夫理，難使民悟夫理，蓋當然之理，固可使民由之也。則其所以然之妙者，亦安能強民之必知哉？昔聖人之意，謂夫君子之教民也，固無不盡其心。然力有所不可，則心亦有所不能盡矣。是故理之當然者，見于事物之間，民之所共由也。故長民者，建極于上，民必是訓是行，而承順以不違。敷教於先民，必是則是效，而帥行之無怠。教以事親，而民由于孝；降衷秉彝之禮，夫婦之所能行也。教以事長而民由于弟；饑食渴飲之道，百姓之所日用也。所謂民可使由之者，如此然理之所以然者，原于天命之性，民之所難知也。故長民者，非

不欲家至而日見之也

所○以○不○可○使○知○之○故

至理必由于自得而不容以強聒○非不欲耳

提而面命之也

妙理必由於深造而不容以頓悟○孝可能也○其親

之所以為仁

民○原○可○知○但○不○可○使○耳

雖達之天下無不同者○安能使民之必知耶○弟可能也○

其敬長之所以為義

雖根於人心所自有者○亦安能使民之必喻耶○

是則可使由之者

得與民共也○不可使知之者○不得與民共也○是皆

理勢之自然

應○如○理○而豈有意于其間哉

如此義理蘊藉何

等深長時文以愚民立說○聖賢之罪人○而老莊

之助臣也

艾千李

高嚴典則

○不是不使民知○亦不是民不可知○只是不可使知之

魏子舜

一節

土

整

後聖於二聖而深贊之以其不有乎天下也蓋莫大乎天下夫人之
 所易溺也舜禹有之而不與焉何其高大之若是乎宜夫子均以魏
 巍贊之也蓋以勢位移人賢者不免故未有而無所慕者可謂之高
 固○聖人○而○世○為○天○子○者有而不以為樂者可謂之大而猶未可謂之高且大也夫孰有出
 于庶物之表而不可及包乎天地之外而不可量巍乎乎如舜禹者
 乎易言乎舜禹之巍也天下至富也天子至貴也舜以底績而受
 終于堯禹以底功而受命于舜皆匹夫而有天下者自夫人觀之孰
 不以為樂也舜也齊古政而禋六宗揣百穀而敷五教凡其汲汲而
 不以為樂也○不是達又不可是憂勤此處人不能及

不容少懈者。以天下也。不以舜也。禹也。事九德而師百寮。撫五服而

敷庶績。凡其汲汲而不敢少怠者。以天下也。不以禹也。人徒見夫南

面之尊。夫舜也。舜居之舜之心。未嘗有之。登庸在位之時。澹然無

異於耕稼陶漁之日也。崇高富貴。曾足以櫻其情耶。人徒見夫九州

之貴。夫禹也。禹享之禹之心。未嘗有之。終陟元后之餘。充然無異

于胼手胝足之日也。安富尊榮。曾足以繫其情耶。

以位為樂。庸俗之見也。不足以形舜禹。不以位為樂。憂勤惕厲。賢

者之見也。亦不足以形舜禹。不以位為樂矣。就中又不張皇鄭重。

不似匹夫而有天下者。乃足見舜禹之謙。耳。若講成恣睢虛無。

又非矣惟此作中正無弊自是當家
艾千子所評甚高但寫聖人分量須如此視托乃出文中亦是無味
之味

魏人乎

王

瞻之在前 二句

大賢歎聖人之道難乎其為象也蓋瞻前忽後聖道誠不可為象矣

非大賢學既有得孰能形容至此哉想其發歎曰夫子之道高矣堅

矣而人極其妙焉○簡○直○無○技○葉○何則凡有方者吾可因其方而求之夫子之道其

有方乎凡有體者吾可循其體而求之夫子之道其有體乎吾嘗瞻

之於為好之餘覺其昭著于前而宛然可見矣然昭著未幾而茫昧

乘焉前乎我者忽已後乎我所見非灼見也吾嘗瞻之于深慕之日

覺其呈露於前而躍然可知矣然呈露未久而恍惚絕焉居吾前者

忽已居吾後所知非真知也道非本在于前也而難使之止于前道

名家制義 十九册 上論成化乙未 十四 可儀堂

非本在于後也。而莫禁其遷于後。有可窺而無可執。雖曰步焉亦步。循○意○不覺隨步而隨迷矣。有可望而無可持。雖曰趨焉亦趨。不覺隨趨而隨惑矣。應○起○意聖道之妙如此。向微聖教之善。殆終不可得與。

精粹無纖瑕。即置之今人細密時文中。亦覺相入。由其秀潤也。

題本恍惚無據。文却為確然可據之語。方是如知字見字步字。起字及起處方字體字。皆確然可據者。此先輩不苟為謬悠之証也。
父千子

又須知此數字。字上有分別。每對此深一層。余初看以為合掌。置之幾乎埋沒。作者苦心也。

食不厭精

全

王 鑒

人記聖人之飲食于人欲之中脩天理之節○正○大○精○微○蓋天理人欲同行異

情也節于理而不流于欲此聖人之飲食無不得其正歟且飲食之

欲聖人雖同乎人飲食之節聖人獨全其天是故食精則能養人于

焉而不厭其精膾粗則能害人于焉而不厭其粗飯傷濕熱而味變

魚肉腐爛而味遷皆所不食也○作○一○小○鐵○色惡臭惡而將敗失飪不時而無度

亦所不食也所以然者非恐其傷人乎割肉必以正也○作○一○小○鐵○不以正則嫌

于造次而不食○法○變○肉必以醬也不以醬則惡其不脩而不食所以然

者非嫌于苟且乎穀氣為主肉氣為輔故其多中有制不使肉勝穀

名家制義

十九冊 上論 成化乙未

十五

可儀堂

也。酒以合歡。亦以喪德。故其寬中有節。不使醉生亂也。酒而沽脯而
市。而皆在所不食。衛生何嚴乎。通神明去穢惡。而薑在所不撤。養生
何周乎。當食者固所不去。多食者尤非所欲。助祭于公。而得肉須臾
何嘗經宿乎。經宿則留神惠矣。奉祭于家。而徹食分賜。何嘗出三日
乎。出三日是褻神餘矣。當食而食。當寢而寢。語言不輕發也。蔬食必
祭。菜羹必祭。誠敬無不在也。吁。聖人于飲食。而以理節之。如此宜門
人記之。以示人歟。

不立意。不凌駕。隨題敘次。節了相生。古葵以斲紋為貴也。文淇持
詳而不繁。畧而不遺。有紀律。有斷制。此左氏敘事體也。邵北真

有尾

史記之樊鄧滕灌列傳存之以脩時文中一種古體。文千子
此文參差者整齊大師摯篇整齊者參差先生文無法不脩一破
一結見大手筆

卷不展

五

君賜食必

一節

王 釐

聖人處君之所賜而處之曲盡其禮也甚矣聖人事君盡禮也即其

提君賜風軌高卓

處君之賜何往而非禮之所在乎且君之賜臣所以昭晉錫之殊恩

而隆鬯養之大典也天子為臣於魯君嘗賜之食矣食則或出於餼

餘者也夫子於此既不敢以薦諸神亦不遜以頒諸人必也正席於

三字分

拜嘉之際品嘗於頒賜之先退食之從容猶待食之嚴肅也其敬君

正制當

之賜何如君嘗賜之腥矣腥則方頒於君庖者也夫子於此慶幸之

又見不煩思議

意方深如在之誠隨至必也熟之錡釜之內薦之宗廟之中存沒均

沾而人神胥悅也其榮君之賜何如君嘗賜之生矣謂之生者非若

連俗好

○有○其○腥○之○可○薦○也○

食之可嘗也○非若腥之可薦也○夫子必從而畜之○蓋物為同與而不

忍之○念自萌○况賜出於君而愛惜之心尤切○或祭祀未舉則畜之而

不敢殺也○或宴享未行則畜之而不敢用也○其仁君之賜何如○自其

先嘗之也○而見遠下之恩焉○自其薦之也○而見事先之孝焉○自其畜

之也○而見育物之仁焉○一敬君而衆善皆脩者○非孔子其孰能之○

發揮聖人至德處○皆列然妙於不板○有一句止一義者○有一句

數義者○有就本句生義者○有借別句轉義者○反正參差○乃見從心

妙用○而文更高古典則○

季氏富於周公

王 鑒

魯論紀大夫而富於天子之勲戚其必有以致之矣夫為富不仁自
然之理也周公之富豈復可加而季氏過之是宜得之以道者哉且
夫天下未嘗無財也厚斂之政行則財在于上薄稅之惠溥則財在
于下（通）撥題面即為全篇勸理伏不在上不在于下則必在于世臣之家矣是故周公憑叔父
之親而為文王之子武王之弟故親不與富期而富至（便見不由聚斂且非他人可幾）有非人臣之
所能加任冢宰之重而居一人之下百僚之上故貴不與富期而富
至（直轉季氏）有非後世之所能及季氏雖為姬姓之裔然五世之後桓公之親
已盡（此對勘）願乃四分公室而有其二而府庫之藏倉廩之積致充溢盈溢

富○子○有○得○活

之○盛○遐○想○周○公○之○所○畜○積○不○翅○倍○蓰○而○什○伯○之○矣○季○氏○雖○有○戴○僖○之○

功○然○定○哀○之○間○季○氏○之○澤○已○斬○頤○乃○世○執○朝○權○而○擅○其○財○而○宮○室○之○

美○妻○妾○之○奉○極○紛○華○盛○麗○之○陳○頤○瞻○周○公○之○所○委○貯○不○翅○什○伯○而○千○

萬○之○矣○問○大○夫○之○富○數○馬○以○對○而○已○今○而○凌○過○于○古○之○負○宸○以○朝○者○

則○何○有○所○謂○家○富○不○過○百○乘○也○言○大○夫○之○富○祭○器○不○假○而○已○今○而○有○

加○乎○古○之○總○已○以○聽○者○則○何○有○所○謂○圭○二○五○十○畝○也○是○豈○能○勤○以○開○

其○源○也○哉○蓋○惟○驚○然○不○預○以○逞○其○攘○奪○之○謀○而○上○有○空○虛○之○憂○斯○下○

有○藏○富○之○實○耳○是○豈○能○儉○以○節○其○流○也○哉○蓋○惟○肆○然○自○恣○以○行○其○刻○

剥○之○術○國○有○菜○色○之○民○斯○家○無○懸○磬○之○室○耳○忠○臣○為○上○為○德○為○下○為○

引○絳○斷○獄○此○儒○者○之○文○非○法○吏○之○文○也

意○盡○復○生○

與○起○請○應○

氏而季氏乃為民為國無一可者也。使周有神聖之君則將在所予乎。在所奪乎。盜臣傷君之財聚斂之臣傷民之力。而季氏乃盜臣聚斂合而為一者也。使魯出中興之主則將在所損乎。在所益乎。然則季氏之所不足者非財也。乃又從而附益之。冉求之得罪于聖門也大矣。

篇法曲盡攻刺之妙。詞意博大勝諸短篇。陳百史

攻刺之妙。後人有能之者。其中具逆順虛寔緩急開閤諸法。有一不備。便成破綻。不可不知。

李氏富

王

足君

不足

王 鑒

民既富於下君自富於上蓋君之富藏于民者也民既富矣君豈有
獨貧之理哉有若深言君民一體之意以告哀公蓋謂公之加賦以
用之不足也欲足其用盡先足其民乎誠能百畝而徹恒存節用愛
人之心什一而征不為厲民自養之計則民力所出不困于征求民
財所有不盡于聚斂閭閻之內乃積乃倉而所謂仰事俯育者無憂
矣田野之間如茨如梁而所謂養生送死者無憾矣百姓既足君何
為而獨貧乎吾知藏諸閭閻者君皆得而有之不必歸之府庫而後
為吾財也蓄諸田野者君皆得而用之不必積之倉廩而後為吾有

名家制義

十九册

下論 成化乙未

二十

也取之無窮何憂乎有求而不得用之不竭何患乎有事而無備

二比詳論其事

牲○案○盛○足○以○為○祭○祀○之○供○王○帛○簠○簋○足○以○資○朝○聘○之○費○借○曰○不○足○百○

姓○自○有○以○給○之○也○其○孰○與○不○足○乎○饗○飧○牢○醴○足○以○供○賓○客○之○需○車○馬○

器○械○足○以○脩○征○伐○之○用○借○曰○不○足○百○姓○自○有○以○應○之○也○又○孰○與○不○足○

乎○吁○微○法○之○立○本○以○為○民○而○國○用○之○足○乃○由○于○此○何○必○加○賦○以○求○富○

哉○

文○無○他○奇○只○是○字○上○寔○際○足○民○是○足○民○足○國○是○足○國○所○以○足○之○

法○所○以○一○足○而○無○不○足○之○情○之○勢○無○不○還○他○着○落○迂○論○浮○辨○一○切○

俱○用○不○得○

愛之能勿 二句

王 整

聖人言父之所以為愛臣之所以為忠其勉人之意深矣夫勞之所
 以愛之誨之所以忠之也愛而勿勞忠而勿誨尚得謂之愛與忠哉
 夫子言此以教天下之為父與臣者謂夫子者父之續父之于子夫
 苟不知所以愛之則其於子之賢不肖固無賴也夫惟以其根於天
 性也愛之人心有不容以或已焉則其所以愛之者而豈徒哉必欲
 其賢也夫欲其賢也則凡所以進其賢者無所不用其力勞則賢不
 勞則不賢其能勿勞乎勞雖所以瘁之瘁之所以成之成之則愛之
 之心始畢矣臣者君之輔臣之於君夫苟不知所以忠之則其于君

名家別義

十九册

下論成化乙未

廿乙

小義堂

之聖與狂亦無賴也。夫惟以其原於大義也。忠之人心有不_{對意高此}容以或

已焉。則其所以忠之者。豈徒然哉。必欲其聖也。夫欲其聖也。則凡所

_{可悟}

以啓其聖者。無所不致其情。誨則聖不誨則不聖。其能勿誨乎。誨雖

所以逆之。逆之所以成之。成之則忠之人心始畢矣。是則愛則必勞。

不勞非所以為愛也。忠則必誨。不誨非所以為忠也。世之竊愛之名。

而竟以敗其子。竊忠之名。而竟以欺其君者。亦獨何哉。

摹能勿二字。得其精髓。正使今人千言萬語。不如先輩淡了着筆

之妙。文湛持

發能勿中凡五轉。情曲而語不蔓。此先輩神理骨法俱備。文字未

可以聲色求也

張洞初

此法開儲唐之風。子為父續。臣為君輔。子欲其賢。君欲其聖。立言有體。卓然千古。

愛之能

王

無為而治

一節

土 整

聖人稱前聖、號著其德、化敷于下、而因著其德、密端于上、夫德盛而
民自化、前聖無為而治者、此耳、其恭已、以正南面、此非其敬德之容、
而何哉、昔聖人之意、若曰、人君之于天下、憂勤于始、而逸樂于終者、
有矣、若夫無事于作為之勤、而自享夫太平之樂、古之帝王、其惟舜
與、蓋、若一〇句〇有〇力〇冠百王而獨盛者也、勵精于先、而成功于後者、多矣、若夫無假
于作為之力、而致夫萬民之化、古之聖人、其惟舜與、蓋、立〇桂〇有〇老〇超百代而殊
絕者也、然其所以若此者、無乃逸豫而墮厥德哉、抑亦業胖而隳萬
事哉、誠以慮始甚難、而樂成則易、舜則紹堯、以承大統、夫何作為以

乳舊章哉。故但見其恭已于上，而端拱正南面之尊，天下之治者皆其至德淵微之應耳。求賢甚勞，而得人則逸。舜則得人，以任衆職，何必自煩以侵臣職哉。故惟見其無為于上，而肅容蒞南面之位，萬民之化者，皆其神道設教之治耳。吁，無為非難，而致治為難。致治可能而恭已難。能聖人所以稱舜者，其以此與。抑論之，聖人治天下固有

補德字
詰有數轉該括歷朝治亂

事同而功異者。苟以舜之終聖得賢而有為，作聰明以自擾耳。否則難免乎逸豫叢脞之弊矣。此王季所以晏朝，文王所以日昃也。世生見始皇之程書繆士之傳餐，無補于亂。乃曰：虞舜無為而治，有為者皆非也。若然，則丹朱慢遊，太康般樂，反賢于晏朝日昃者耶。

只此數句聲色態味俱完。王逸季

有光景。有趣味。讀其文。想見先輩大雅之風。陸仲鳴

氣象足以籠蓋一切。截然四比。兩句頓。兩句束。四比中起句凌
屬末句雋永。大段渾山穆。尚存太羹玄酒之風。

無為而 王

有一言而

恕乎

王 鑒

老紫不連。下二句

賢者問天至要之言聖人告以至要之道蓋以約御博此要之要也

舍恕其何以行之哉昔子貢之意若曰為學貴乎知要知要貴乎守

先與一。言

約彼聖賢之學千言萬語吾未知所適從也終身之行千緒萬端吾

行

未知所專主也果有一言之約自初至長可以終身行之而不變者

○世不知仍改終身

乎一言之善自長至老可以沒世守之而不窮者乎二言至簡也終

○可○以○束

竟似兩對

身至久也簡而可以久願夫子以告我焉於是聖人告之若曰時各

以○下○可○字、多○少○翻○弄○變化不測

有宜理各有當或可以為已不可以為人者有矣惟恕也可以為已

○說○可○以○硬○將○不可作信、神妙如龍

可以為人處已為人無施不可上以終身行之者其惟恕乎或可以

成始不可以成終者有矣惟恕也可以為始可以為終徹始徹終無
時不可上以終身守之者其惟恕乎恕之一字以之為家可也又○變○文○法以之
為國可也終身行之何不可乎以之處常可也可○字○又○步以之處變可也終身
守之何不可乎然則恕之一字可謂至簡而能御煩至寡而能服衆
者乎

全從可字商度則有字其字兩平字一一躍然揚維斗

最苦其恕乎沒得說即將可字插入便說不盡無致可字顛倒

更換如雪舞橫江花飛峻嶺絕世奇觀

斯民也三

行也

王 荃

聖人論今古同一民其是非之定不可枉也蓋垂之在人心今古一
 而已三代于民皆以直道行之聖人于此亦安得枉其是非之是哉
 昔吾夫子之意謂夫吾之于人所以無毀譽者何哉蓋以今此之民
 即三代之所以直道而行者耳彼時至春秋固非三代之時矣然今
 之天下即古之天下古之天下即今之天下今之民獨非古之民乎
 是故斯民也夏有天下夏嘗治之自夏而商又治之自商而周
 周又治之矣三代之時民有善焉從而善之所以善之者一出于至
 公而不容有所私民有惡焉從而惡之所以惡之者一出于至正而

不容有所枉位之所在則賞罰行焉而天下以懲以勸其所以賞罰者此民也道之所在則褒貶行焉而天下以榮以辱其所以褒貶者此民也三代之于民一以直道而不能枉其是非之定吾于斯人又安得有所枉而致毀譽于其間哉是知世有古今而民無古今民有古今而理之在个無古今聖人之所以無毀譽者良以是夫雖然天地之常以其心普萬物而無心聖人之常以其情順萬事而無情其無毀譽也所謂廓然大公而已豈必追考于古而後然哉然而考之千古則亦未嘗異也故曰五帝三王不易民而化其是之謂乎後之論治者乃曰三代以還人漸澆訛不復可以德化殆亦未之思耳

槩論斯民即三代盛時焉得人皆直玩所以字義明至持世者
說以禹湯文武待其身以禹湯文武之民待斯民春秋之作有不
能已千古特識湯霍休

如一幅純錦更不能措手摹倣矣以三代之治民者待民是以道
所在而褒貶行三代之初果有之乎史是也故曰其文則史又曰
述而不作亦三代之所以直道而行也艾千予

高古蒼勁氣格遠邁諸墨。直道貼三代以三代于民吾于人對
勘影出作春秋正旨自爾宏偉然謂直道必不可就民說亦未必
然民之秉彝好是懿德是非之心人皆有之焉見斯民不直道乎

二說並存可也

斯民也

王

齊景公有

二段

王 鑒

有富而泯其名于時者有貧而彰其名于後者蓋名之顯晦傾其德

之何如耳此時君之富所以必不能如二子之貧也與昔孔子之意

若曰公論定于人心美譽本于善行○為○死○之○目○作○勢○今之君有景公也地衍膏腴出

車有千乘之富爵榮屏翰繫馬有千駟之繁其富如此宜乎有可稱

矣而況乎身死之日正人心哀慕之時乎夫何君道有虧隨死而泯

○毀○法○圖○婉○
○游○術○處○俱○有○文○情○

時猶景公之時也民猶景公之民也欲稱其政則紀綱之不舉欲頌

其德則倫理之不明富雖極于千乘譽不隆于一時然則富何足恃

○為○到○于○今○作○勢○

哉古之人有夷齊也棲遲自得寄食于西山之薇隱約終身甘心于

有○嗚○之○餓○其○貧○如○此○宜○乎○無○可○稱○矣○而○况○乎○到○今○之○時○又○歷○世○久○遠○
之○後○乎○然○而○坊○聲○益○著○雖○死○猶○生○初○非○得○于○目○擊○也○初○非○得○于○觀○感○
也○○四○語○盡○夷○齊○品○題○不○曰○遜○國○而○逃○古○之○賢○人○則○曰○諫○伐○而○餓○周○之○義○士○美○譽○既○著○于○
前○休○聲○復○流○于○後○然○則○貧○果○可○忽○哉○是○則○富○而○無○善○可○稱○則○時○雖○近○
而○名○已○晦○貧○而○有○善○可○述○則○世○雖○遠○而○名○益○彰○○接○下○文○恰○好○名○之○不○可○苟○得○也○如○
是○夫○

正○提○死○之○日○到○于○今○喚○醒○憤○○卑○就○貧○富○較○論○尚○覺○辜○負○題○情○所○
謂○本○文○字○句○便○是○絕○妙○好○辭○也○解○此○方○許○讀○先○輩○文○○馬○君○常○
筆○○頃○然○語○○發○○揮○無○怒○張○之○容○無○悲○涼○之○象○是○謂○正○始○○貧○富○
○是○題○正○旨○下○文○只○引○証○耳○直○出○以○二○字○老○氣○

聖君之妻

一節

王

鑒

聖人於國君之配而必序其稱名之詳焉夫匹配之際左教之綿也

聖人於其所稱之名而詳序之其謹微之義斷可識矣且古之聖人

寬論詩大休

固嘗嚴內外之分亦未嘗絕內外之交是以有禮焉以秩其分而有

分焉以定其名試以邦君之妻言之所以聽一國之內治掌斯民之

陰教風化存焉者也其稱名之法當何如哉（原○本○終○術○有○典○當○之○也○）自夫君之稱之也則曰

夫人蓋邦君乾道也夫人坤道也乾健而不息坤順而有常既以德

而配德必以貴而從貴以夫人稱尊之也言其與已同也自夫人之

自稱也則曰小童蓋夫者天道也妻者地道也天尊而莫喻地卑而

上行雖以體而敵體○○粘○卸○見○皆○次○猶必謙而又謙○以小童稱自卑也○言為君之夜

也○此特稱于宮中者耳○至于邦人稱之○則不徒曰夫人而必曰君夫

人焉○蓋婦人無爵○從夫之爵○國無恒尊○惟君為尊○稱夫人而係之以

君○雖所以稱夫人也○亦所以尊君也○此特稱于本國者耳○至于稱諸

異邦也○不徒曰小君而必曰寡小君焉○蓋寡德之辭○諸侯不嫌于自

賤而藉君為號○夫人不容以自矜○稱小君而必係之以寡○非惟附君

之美也○實則從君之謙也○此固夫人之自稱于異邦者矣○至于異邦

人稱之也○亦曰君夫人焉○蓋君之于民也○異所統而尊則同○夫人之

于君也○殊所位而親則一○敬其君以及人之君○則敬彼國之夫人○亦

當如本國之夫人矣。是之謂充類也。故不嫌于同辭也。吁。一印君之
專而稱名之詳如此。要皆緣情而定。據理而起者也。學者其可忽諸。
到底無一字不確。此等文。須從經術中得來。世人漫言長袖何曾
善舞。韓求仲
句。詳核股法。變換參差。尤見手筆。讀此覺近日名作。皆小家數
矣。艾千子
此等題。涉用春秋事實。及馳騁凌駕者。皆近時冒氣板。五股字
字。還他的確義例。不許一毫假借。正大精微。斯為極則。

邦君之

五。養。氣。壯。陽。丸。○
此。丸。專。治。男。子。精。冷。無。子。○
女。子。經。閉。不。孕。○
服。之。立。見。奇。效。○
每。服。一。丸。○
開。水。送。下。○
每。日。三。服。○
每。服。一。丸。○
開。水。送。下。○
每。日。三。服。○

天子

○ 物類如求與然者○ 爲人○ 以○ 華○ 貴○ 此○ 豈○ 立○ 日○ 矣○ 亦○ 皆○ 小○ 乘○ 機○

卷之六

但取頭一字不難此後又取發聲中取來字入聲言尋畔同聲

卷之五 雜錄

卷之六

太師摯適

全章

王

蓋

記者於樂官之隱遁各表其職名而指其所之也蓋樂官隱遁亦賢
而無去亂者也記者表其職與名而指其所之豈無為哉想昔孔子
返魯正樂之餘遂致伶人皆能識樂之正及樂益衰三桓僭妄于是
（序○出○心○重○）知樂其廢矣而懷失職之愧魯其衰矣而決避地之謀彼太師曰摯
氏為羣工之長也而首適于齊乃為去魯之倡焉其長既去其屬安
歸時則以樂為亞飯之侑者干也而其適則于楚以樂為三飯之侑
者繚也而其適則于蔡四飯之侑非缺乎而所適之邦則秦也魯干
（一○筆○與○下○三○段○遇○對○）是始無侑食之官矣以至擊鼓是職蓋有方叔其人而問其入則干

變換調法

省句作主

（句○法○上○接○下○生○）

河魯復有鼓工乎播鼓鼓是掌乃有曰武其人而問其入則于漢魯

復有鼓工乎稱少師者為陽掌擊磬者為襄其職事之任雖異同也

而海島之入則同軌焉魯之樂工豈復有少師擊磬者乎是則地之

或遠或近固隨其意之所適其去之不先不後則由其見之皆同記

者于此其亦美其去也夫其亦慨其時也夫比

散叙諸人讀者但見其整嚴耳此制義神境陳百史

此文異處在序各句不以一定之格齊之既不求整又不疏漏此

文格所以冠諸家也艾千子

參差見古法搖曳見古韵龍門獨絕千古者以此後人學之得其

此效語○整對

○去○共○古○改○希○人○術○作○兩○大○此○矣○

變換調法

歸朴遺其雋永去之遠矣○要識諸人去國之由又要識記者序
次諸人之意此文處上皆得

太師攀王

名家集

一

大學結治國之本于齊家必歷咏嘆而申結之也蓋家齊于上教成
於下必然之理也大學咏嘆之而又申結之其意不亦深乎昔大學
釋齊家治國之義至此而通結之謂夫觀君子之教成于國則知家
者國之本齊者治之原治國必在齊家矣而又引桃天之詩以咏嘆
之曰天下之雖化者婦人也今也如琴瑟之相宜焉是能刑于寡妻
而可以教乎國人矣咏嘆之不足又引蓼蕭之詩曰人情之易失者
兄弟也今也如埙篪之相和焉是能至于兄弟而可以教于國人矣
咏嘆之不足又引鴉鵲之詩曰儀之在我者無所差民之在下者以

為法必父。子。而後天下之為父子者定。必兄。弟。而後天下
之為兄弟者化。而有以御于家邦也。咏嘆之。詳如此。而又申結之。曰。
此謂治國在齊其家。以見家者信為國之本也。齊者信為治之原也。
吁言之不足。故咏嘆之。咏嘆之不足。又總結之。其意深矣。

閒。點。次。不費筆墨。如左氏記列國大夫賦詩。素質純雅。又如史
公敘春秋以前事。全用成書。畧易幾字。便如出已手。真化工也。

此謂惟仁

惡人

王 鑒

惟夫人之至公斯得情之至正蓋好惡天下之同情而莫難于正也
非仁人之至公者能然哉大學申言好惡公私之誣而推廣絜矩之
義謂夫好惡雖有兩端而其用惟出于一心仁人之於媚嫉者既深
惡而痛絕之則其于賢才也必尊崇而篤好之此謂惟仁人為能愛
人能惡人矣予蓋仁人者物格知至不以一毫私意自蔽意誠心王
庸大全
不以一毫私欲自累吾知公則明矣而善惡不能逃公則普矣而好
惡無所徇故于人之有才有德而天下同以為賢者不徒曰愛之而
實能愛焉蓋知其為衆欲之所在而與之聚之是惟不見則必本
貼切絜矩
一語幹金
○揭○出○本○源
○蔽○累○二○字○分○貼○即○行○可○恭○中○
○應○無○新○徇○

也是惟不舉則必先也愛雖出於一人而實愛以天下所謂能愛

人者如此况肯好人之所惡于至于人之嫉賢妬能而天下同以為

惡者不徒曰惡之而實能惡焉蓋知其衆惡之所歸而不欲勿施不

見則已見之必退也不退則已退之必遠也惡雖出于一人而實惡

以天下所謂能惡人者如此况肯惡人之所好乎吁一己之好惡而

極天下之公則絜矩之道盡于此而天下又何不平之有哉

簡潔明確一字不蔓然從揭下意終非法程
艾千子

明揭下意來作今人無此識胆
周介生

千子取聚亦當但惟字為能字正與下二節對照逆取下意于

難險于理自確洪武乙丑天下有道程逆指諸侯大夫即開山法
先輩為文眼明膽粗手辣易為後人驚怪學者師其意而少變通
之可也

此謂惟王

小
龍
山
王

27

此乃人之明眼也。昧乎此是爲奸人進至學問其意而不求其真。

中庸明道之費隱必極其大小而言之也。蓋大莫大于無外。小莫小
於無內也。君子之道之費隱固如是哉。子思發明道之費隱至此。蓋
謂君子之道自夫婦之所能知能行而至於聖人天地之所不能盡。
如此直起人一人不肯為六不能為也
道蓋無不在矣。是故天下之物有大者焉。大而有外。皆可得而載也。
君子語其道之大。則天下莫能載焉。蓋人至於聖人。無所不知。無所
不能者也。而於道猶有未盡。則是道也。出於聖人之外矣。物至于
天地無所不載。無所不覆者也。而於道亦有所未盡。則是道也。包
於天地之外矣。探之而愈遠。不見其終窮也。窺之而愈廣。不見其涯

津也。其大至于無外如此。天下孰能載之乎。天下之物有小者焉。小而有內。皆可得而破也。君子語其道之小。則天下莫能破焉。蓋如夫婦之至愚。其所知亦微矣。而亦與知乎是道。蓋無微而不入也。夫婦之不肖。其所能亦微矣。而亦能行乎是道。蓋無微而不體也。渾論于毫忽之際。而無端倪之可求。充足拉纖悉之中。而無間隙之可指。其小而無內。至于如此。天下孰能破之乎。吁。道極于大小而無不在。則用固廣矣。而其所以然者。則隱而莫之見也。然則道豈可以須臾離哉。

一〇語以結正上句

翻足前文絕無旁及絕高絕雅

文于子

萬丈積塵。變作一泓清水。自令讀者擊節。

故大德必

至末

王鑒

聖人論聖德之得天必反覆以明其必然也夫不可必者天也然有

破承於渾括

大德則有大福豈不可必哉宜聖人反覆以明之也昔吾夫子論舜

之大孝而言及此謂夫福之在天似不可必德之在我則有可必是

故字重提

故人患無德耳苟有舜之大德則終陟帝位而享天祿位也祿也可

且○落○提○

以必得之玄德升聞而躋上壽名也壽也可以必得之其所可必者

兩○對○句○

非無徵之言也曷不觀諸天乎彼天之生物本無所私而天之加厚

對法整齊處

必因其質本之固者雨露必培之培之非厚也因其材耳本之傾者

朴○老○

風雨必覆之覆之非害也亦因其材耳此天道之可必者也久不證

諸詩乎彼可嘉可樂之君子脩宜民宜人之顯德既已受天之祿矣

對法參差處

而天之于君子既保之又佑之眷顧之不厭既命之又申之寵錫之

故字再提

無疆此人事之可必者也故人不有大德則已如大孝若舜則裁者

收○拾○詩○盡○

培之應飛龍而在天任祿之兩崇可必也保佑命之膺曆數于在躬

名壽之具備可必也吁天人之間其可必如此舜之所以受命也宜

哉

證天生物證詩而對天成更無旁借

艾千子

千年枯樹生意盡絕而風雨不能搖者受氣深而植根固也鮮葩

艷卉朝榮夕萎豈能與之比壽讀詩奚比之惠作如是觀

武王纘太

庶人

王 整

中庸稱二聖有繼先緒而隆一統之尊者有承先德而脩一代之典
者蓋德業創于前而莫為之後雖盛弗傳也然則如二聖之所為豈
不有光于前人也哉中庸述夫子稱武王周公以明費之大者其意
謂夫欲知文王之無憂當觀武周之善述（有）（起）且夫文王既沒而不能作
紹之者誰與（提）（攝）（法）蓋太王季創于前文王之業隆于後而續其緒者惟
武王也觀之一着戎衣師不勞于再舉而坐收一統之全功迹雖嫌
于伐君志非富乎天下而無損萬世之令譽且不獨功業之俱盛而
已以貴則尊極一人以富則奄有四海而福有埒于尋常也不獨操

卷之三 中庸

位之兼得而已上焉則宗廟饗之下焉則子孫保之而業有光于前

代也武王之繼先緒如此是以創業而兼守成雖征誅而同損遜矣

其武功之隆何如哉若夫武王已老而受命承之者誰與蓋文王欲

為而拘于位武王得為而限于年而成其德者在周公也觀其隆古

公之號為太王加季歷之稱為王季則近推乎文武之盛心自組紺

而上以王祀逮后稷以下而皆然則上追乎先祖之遺意于是推斯

理以及人使有國而為諸侯有家而為大夫者咸得隨等序而行其

禮也達斯禮以逮下使有位而為士無位而為庶人者皆得循禮度

以伸其情也周公之成生之德如此是終述善于一身禮制通於天下

身不失天下之顯名

王 鑒
政承便立讓論

聖人躬處天下之大變而獲全天下之美名夫放伐非聖人之本心
一統謂先輩平○正乎

出于不得已也○不得已而為之何至于顯名之失哉○昔武王因累世
○有○斤○兩○

締造之功而為一旦放伐之舉然紂雖至愚君也武王雖大聖臣也
○數○虛○字○作○三○層○剔○顯○

以臣而弑君則事有不順理有不安宜乎罪之不可免也○况于名乎

名且不可得也○况顯名乎○然人皆知應天順人之舉○非富天下也○奉
○名○在○未○遇○天○下○之○先○不○特○補○顯○且○能○彌○起○

天罰暴之行○非貪利也○會師牧野之初○固得三軍之心○歸馬華山之
○不○失○三○字○

後又致四海之望○不曰以臣弑君○乃曰以德救暴○仁人也○不可失也
○此○以○政○言○

異心而同歸者○八百侯國不曰以下犯上○乃曰以治易亂○吾君也不

○此○以○在○朝○言○

可得也同軌而異集者億兆其人喜更生于我后之來而焚炙忠良

之禍滅聲譽為之泯○○此○以○心○迹○言○悅復蘇于周主之至而剗剔孕婦之害消令

聞為之爽○○此○以○在○野○言○心事暴白于天下惟聞相慶之語朝野紛○呼天之怨

轉而為望雨之思矣非之者誰與芳聲傳播于四海惟聞相幸之言

遠近欣○○此○以○事○功○言○仰日之怒易而為望霓之誠矣議之者誰與夫上有以

績永成之業而繼述之善為先王之孝子下之有以除不悛之惡而


放伐之公為天下之仁人是非武王有萬天下之德而又有公天下

之心則是賊而已矣僭而已矣篡而已矣尚可以得天下之顯名哉

少年時讀守溪先生文尚未知絕佳處安在○今讀之更覺以奇

勝人也。然奇而不失于正，則奇尤至矣。試看其立論處，補題處，切
周家時事處，此深于史學者也。深于商周之史，則史而經矣。茲子
商周之史，不過詩書數篇，何人不讀？須看其立論有層次，運筆有
變換，或開或合，或及或正，精意疊出，而浩氣流轉，是先輩神法勝
人處。

身不失



郊社之禮

一節

王 鑒

前聖制祀禮而所事殊後人明祀禮而治道寓蓋事神治人其理一也聖人所制祭祀之禮而人能明之則治道有不易見也哉中庸十九章引孔子贊武王周公之達孝而言其所制祭祀之禮及此意謂冬至有事于圜丘夏至有事于方澤此郊社之禮也是豈祝饌于天哉蓋以天施地生而功成乎萬物于焉事之則尊所尊而盡報本反始之義焉五年一禘三月一嘗此宗廟之禮也是豈饗于祖哉蓋以相功宗德而施及乎後人于焉事之則親所親而盡報本追遠之義焉郊也社也其禮則至微而難明也人能洞此禮于毫芒則所謂

○維○術○典○切○

聖人爲能享帝而與天爲一者也○

人能燭此義于纖悉則所謂孝子爲能享親而與親爲一者也○

國之中有萬民焉○神此心也○民此心也○吾能以此心而格神○必能以

此心而格民○此治人之理爲易見者○有萬物焉○神此心也○物此心也○

吾能以此心而感神○必能以此心而感物○此治物之理○無難知者○信

子其如視諸掌矣○然則事神治人之理○夫豈二哉○

典而潔○
錢吉士

截然六比○無起束○無過接○理境湛深○氣格朴老○後人費盡心思○使

盡學問○終不能出其範圍矣○

思事親不

知天

王 鑒

中庸推言事親由於尊賢一出於天而已矣夫天者親賢之所自也

不知天而理猶未明矣何以尊賢而事親哉中庸推言為政取人本

于修身至此意謂以道修身者固在于仁而仁之定莫大乎事親故

思修身不可以不事親矣然所謂事親者孰不以為事由于已無與

○法○精○細

于人也而不知左右就養之有儀定省承順之有方皆賴于人而後

○○失○不○字

明者苟不知人則是非無由以放迪而或陷親于不義者有矣蓋必

○是○諸○詳○切

尊師以崇道于以資其開蕙之功取友以輔仁因以賴其切磋之益

○精○句

將見義理昭明孝思不匱于錫類而事親亦有所助矣夫事親固由

○說○助○字○便○確

千知人然所謂知人者又孰不以爲善取諸人無與于天也而不知
親之有隆殺尊賢之有等級皆理之所從出者苟不知天則窮神
未至于知化而或推行之失序者有矣蓋必極深研幾而析之有以
極其精知微知彰而合之有以盡其大將見本原澄徹非禮不至于
妄悅而一○謏○貫○串○作○無○知人亦有所助矣噫君子而至于知天則尊賢事親各有攸
當而修身取人立政然如矣

嚴潔○僅三百餘字反覆轉折極多不可以不四字極透○周介生

丘文莊之詳明王文恪之嚴潔謝文正之精當此題三義時文之

矩準繩也○廖道南謂明興舉崇爾雅自文莊知貢舉始誠不誣

哉

揚雄

事親又不可不知人。知人又不可不知天。是推而後。非溯而前。此
解文格獨得。○今一憲必切寔。道一筆必清老。乃為理學文字。

思事親

五

各家集

卷之四



不誠無物

王 整

惟所存之不實斯所為之皆妄蓋誠成天下之有者也心苟不誠尚
何物之有哉今夫天下之物莫非實理之所為而在人之心豈容一
息之不誠何則絕之者善成之者性人心本自真也氣拘物蔽之後
真者於此而妄矣無極之天二五之精人心本自實也知誘物化之
餘實者於是而虛矣誠之之工也夫陳矣靜焉而不能存養而內欲得以抵其隙隱微之
間真妄錯雜已累吾寂然不動之體是靜而不誠也動焉而不能省
察而外誘得以收其間存主之地理欲混淆已汨吾感而遂通之用
是動而不誠也不誠如此何以遂無物耶蓋天下之理真與妄不容

以兩立不真則妄而凡有所為皆出於欺詐不情之私而不可以言
○無○物○二○字○切○實○
有天下之理實與虛不容以並行不實則虛而凡有所為皆出於詖
○有○上○半○篇○即○有○下○半○篇○守○溪○家○法○
謾無成之境而不可以言物靜而不能誠而大本已失所以為物之
○先○亡○愈○謬○字○上○掛○胎○
體統者何在蓋其未感之前而此理先亡矣理亡則物隨以亡而經
○之○假○神○愿○之○賊○一○齊○抹○煞○
營措置亦何益耶動而不能誠而達道已乖所以為物之質幹者何
在蓋其既感之後而此理愈謬矣理謬則事隨以謬而錯綜區處亦
何補耶是心與迹有合一之機誠與物有相須之妙君子安可不以
誠為貴哉

不誠二字另講痛發一截則無物二字節上俱見動靜大木建造

二意將誠字物字一齊透露矣
兩截八比。真實正當不元不憚

不誠無

三

不姑無所
三

臨海人山其寶玉當不示下

詩曰奏假

二節

王 整

形著變化四字奇合

庸既引詩以見聖人之德不形而民變復引詩以見聖人之德不
二語一前之肯
著而民化夫德之深者效之遠德之愈深效之愈遠也則夫聖人無
為於上而萬民自變化於下豈不然哉且夫君子盡修德之功則必
有盛德之效烈祖之詩不云乎迺而格於神明禦乎其誠肅乎其敬
無有言也而萬民自化也靡有爭者矣君子德之深而效之遠也不
猶是乎是故民必賞而後勸也君子德足以振其委靡雖不賞也而
民自勸於為善有甚於賞者矣民必怒而後威也君子德足以起其
嚴憚雖不怒也而民自威于鈇鉞有甚于怒者矣天下不從而變乎

○四○語○以○結○依○渡○

然德既深矣。猶未極其深也。效雖遠矣。猶未極其遠也。烈文之詩不

云乎。天子之德穆然幽深。窮然深遠。未嘗顯也。而百辟皆刑之。無有

遺者矣。君子德愈深而效愈遠。其亦猶是乎。是故君子惟厚其恭也。

然端居九重而萬方自協和矣。未嘗顯其敬也。然恭已南面而黎民

自時雍矣。天下不從而化乎。德之輝者至是而愈深。效之遠也。至是

而愈遠。豈非中庸之極功矣乎。

引詩處。代詩人衍數句。此法今不講久矣。拍合是故。尤為得神。何

若木

不涉叮咛。不着色相。詠歎渾然。與集中故治國篇同法。

晉者文王

不學

王

鑒

聖人之為國也。取民有定制而報功必及其後。取民無過制而罪惡

不。及其後。夫聖人之為國。一王政之所行也。今其取之薄而歛之輕。

善。長而惡。短如此。後世之所當法也。與此孟子之告宣王以

直提首句不另作小節亦守漢家之法

王政。謂夫文王周之聖人也。岐山周之舊國也。昔文王之治岐。一王

政之所行焉。彼其方里而為一井。一井而界九區。中有畝為公田。八

家同養之外。八百畝為私田。八家各受之。是九分而稅其一也。其稅

損折見篇骨

耕者固輕矣。而待士則不輕焉。彼仕者嘗建功于社稷。布德于生民。

補法

補法

也。故於子孫則教之。其果成材。即固爵之以官。其不成材。即亦錫之。

以祿其所謂賞延於世者乎至於道路之閑都邑之市則誠察非常

而已商賈通焉不征其稅也賭水之澤通漁之察則與民同利而已

網罟入焉不禁其取也其欲於民固薄矣而待罪人則尤薄焉蓋罪

人必五刑有服五流有宅至於妻子皆宥之其可宥者耶固止刑其

身其不可宥者耶亦不刑其後所謂罰不及嗣者非是之謂乎文王

之政如此東○句○漢○文○周之所以王天下也今齊宣王能以文王為師是亦文

王而已明堂何必毀哉

劃然王事變為兩扇斟酌次第一絲不亂善學先筆當于此處求

世祿起于教其子孫。此善斟酌題語者。父子
凡散碎題作整對格。貴有的確意義。截然分開。原本經傳不可移
易。他人變一格局。反不要適其中對偶。自然絕無踈漏補湊之病。
然後稱妙。守溪所以為開山祖也。

昔者文

名家制義

一月丹

上五

親有以知其人斯有以用其人甚矣知人之難也不親見其賢而遂

用之豈能謹之至哉昔孟子告齊王進賢如不爵已之意及此謂夫

○虛○領○然○後○神○情○

眼察字

莫難得者賢莫難知者賢豈可因人之言而遂用乎蓋必從而察之

先知其身之所修脗合于人之所與而非過實之名先識其德之所

○見○字○有○許○多○餘○日○

就久符乎人之所言而非不情之譽試之以事即以見其智也投之

以變即以見其節也而權衡之已定矣納之于繁擾有以見其能也

○刷○能○老○○後○於○此○

驅之以難危有以見其勇也而品藻之不差矣見賢如此然後以天

○此○句○好○可○知○原○不○廢○衆○論○也○

下之心用天下之士視如手足之親而任之勿二托以心膂之專而

待之必誠。明揚在位。用其智以集事。用其節以定寔。雖卑喻尊。有弗
頤已尊。禮于朝。用其能以處繁治擾。用其勇以戡難扶危。雖疎喻戚。
有弗恤已。將見是惟弗用。必惟其人。今日可以為親臣。而他日可
以為世臣矣。吾王于此可以見哉。

見字用字如此。著實經營。真巨濟巨儒之筆。文子子

三載考績。三考黜陟。此明所謂見而後用也。空說見字有何憑。
據前半得敷奏明試之意。後半得量材授官之法。不僅以相應為
工。一篇用人論。蒼堅古朴。絕似司馬君之文。

由湯至於

久矣

土
整

世之興王者非一人當世之歸王者非一日蓋君德有關於人心也尚矣商家明王之迭興有如此民心之歸不既久乎昔孟子論文王難王之意謂夫得天下之心者本乎德成天下之功者存乎時文王非無德也其如商之時何蓋商自成湯聖敬日濟草夏命而創業于前至于武丁恭默思道靖殷邦而中興于後語其世二十餘世矣然賢聖之君如成湯者未嘗不先武丁而生處仁遷義如太甲修政明祀如太戊重光繼照振之于非一二傳焉語其年六百餘年矣然聖賢之君如武丁者未嘗不後成湯而生恪謹天命如祖乙紹復大

槍の時○字の先○筆○大○胆○
○
○間○深○宏○敬

○簡○架○宏○敬

○日
○濟○

濟草夏命而創業

世の折の細の露の

○而○頭○接○箇○內○有○至○于○二○字○

業如盤庫前作後承繩乎已六七君焉世德相繼則恩之洽于人

者必深歷年既多則澤之施于民者必久吾知其敬服用情殷有二

下半篇純應上半篇以守溪家法

十餘世之天下民亦有二十餘世之歸殷愛戴歸往商有六百餘年

之天下民亦有六百餘年之歸商仰其祖功而又思其宗德不特後

后于成湯大悅于太甲也太戊之民猶太甲之民焉于亳歸之而于

囂亦歸之也何其久哉臣其孝子而又附其慈孫不特從遷于祖

服役于盤庚也武丁之民猶盤庚之民焉于耿歸之而于殷亦歸之

也豈暫時哉夫以世德相承既不易于淪喪人心永戴又不易于變

○挽○時○字○

更一文王而欲興起其時固已難矣有年未洽誰得而議之哉

北 典 雄精詳絕妙一篇商本紀其 中諸法畢脩細玩方悟不能言罄

由湯至

王

名家制義

十九 上 孟

五乙

事非君

二句

王

終

元聖之仕不擇人，可以知道之任矣。蓋仕不擇人，則無不可仕矣。
 此而其道之任不可知哉。想孟子論伊尹之意，蓋謂欲知伊尹之
 道，當觀伊尹之言。吾嘗聞伊尹之言矣，其言曰：有一代之賢臣，必有
 一代之賢君。而不賢君子，固以為非其君矣。自我論之，則有不然。
非○字
 者焉。蓋君者，事于人者也。非事人者也。其人同，則其事同。其事同，
○蓋作層字以盡何字非字之○蓋
 其君同。如幸而事聖智之君，固君也。不幸而事中材之君，亦君也。
○事○使○發○此○寔○義○方○得○任○字○情○神○一
 不幸而事為昏為暴者，亦君也。立其朝，均可以盡吾匡輔之力。受
 任均，可以展我欣沃之忱。豈有事而非君者乎？彼有以為非其君

是必如禹稷之事堯舜可也。吾恐堯舜之主不世止。禹稷之遇不
且對上之過
有殆不可以此自律也。既事有道之主，必使有道之民，上而無道
子固以為非其民矣。自我論之，亦有不然者焉。蓋民者使于人者
非使人者也。其人同則其使同，其使同則其民同。如幸而使向義
民固民也。不幸而使革面之民亦民也。又不幸而使為頑為逆者
民也。制之產無不可以厚其生，驅之善無不可以正其德。豈有使
非民者乎？彼有以為非其民者，是必如稷契之治唐虞可也。吾恐唐
虞乃千載昌期，稷契乃一時奇遇，殆不可以此過望也。夫曰何事非
緣此出在字
若者非殉君也，以致君之道自任而不必于擇君也。曰何使非民者

非徇民也。以澤民之道自任而不必于擇民也。可觀此言而可以知
道之任矣。

句上摹寫任的氣象。
胡思象

從樂堯舜之道。想出事使精神宛然如話。
周介生
平寔寫去。自然高古。其貴在骨。

何事非

五

名家制義

丁丑

孟子道性

二句

王

盤

大賢論人性之本善而必實以盡性之人也。蓋古今聖愚本一性也。

○本○字○盡○字○好○

大賢論性善而必舉其人以實之。則性之善可見矣。昔門人記之意。

○此○是○正○意○

○是○論○器○之○詞○

曰性理之不明于天下。蓋有以性為惡者矣。惟孟子于性之世于必

告之曰性本于天粹然至善而未嘗有所謂惡者焉。有以性為善惡

混者矣。惟孟子之于世子也必告之曰性稟于天粹然至善而未嘗

有所謂混者焉。一則曰性善二則曰性善初不曰有性。有性不善

也。始亦曰性善終亦曰性善初不曰可以為善可以為不善也。然孟

子論性之善豈無稽之言哉。故不言性之善則已言性之善也則必

名家制義

上

補意

稱堯以實之。蓋大哉帝堯。古今之大聖。堯此性也。我亦此性也。堯充
其性。而至于聖之極。則人自失之耳。然則性果善乎。果不善乎。不言
性之善。則已言性之善也。則必稱堯以實之。蓋君哉帝堯。天下之至
聖。舜此性也。我亦此性也。舜充其性。而至于聖之大。則人自混之耳。
然則性果惡乎。果不惡乎。由是而論。則仁義之不假于外求。聖人之
可學而至。皆可見矣。

善字對惡字。不對混字。然所謂混者。正欲歸併到惡。援引衆說。夾
通性善。所以昭下道。一稱堯舜。稱其能充此性。非稱其本善也。所
以照下有為。行文不事彫飾。而老氣無敵。

鄉田同井

松事

○柱○確○

論井田之法有以通民情井田之制有以定民分蓋通民情則民俗
 以厚定民分則名分以嚴井田之法制所以為善也與昔孟子曰戰
 問井地舉助法以告之若曰井田之法雖曰至于養民而教亦行于
 其中矣惠民之不和也故一鄉之田八家同井其出也同井者與偕
 出其入也同井者與偕入出入無不同也彼有盜我為助之我有盜
 彼為助之而守望亦同矣彼有疾我扶持之我有疾彼扶持之而疾
 病亦同矣一鄉之中歡然有恩以相親藹然有義以相接彼此之情
 不于是而通乎井田之法固所以通彼此之情而井田之制又所以

○起○
 本足散、休因題太、繁瑣故、立兩柱以、該

○普○妙○二○語○文○氣○便○厚○

○惠○

○類○此○四○語○作○一○收○變○化○之○歸○綜○却○是○類○中○不○可○少○

○曲○折○

此等直叙皆漢人手筆

嚴上下之分是故方一里為一井其田九百畝其中一區名曰公田而為仕者之常祿外八百畝八家受之而為野人之所養公田為君子之祿故八家通力合作而先養乎公田私田授八家之人故公事已畢然後敢治私田之事焉公私井然而不亂先後燦然而不紊上下之分不于是而定乎一井田之間而民情以通名分以定其法不亦善乎

通民情定民分以六字作柱頭緒俱清先筆斬釘截鐵手段也千禹之行水也相其高下審其順逆因勢利導引之入海先筆之文亦然意對仗者對仗辭參差者參差若必一一屬偶則牽合之患

許子必種

一節

王 整

大賢屢詰時人而啓其對所以發害治之端也蓋一人之身而百工

所為不可兼也○以是啓時人而闢之○端不在是哉○孟子以為人莫

不飲食也○彼既為神農之言耕食固其所樂聞者故先試之以為許

子必躬操耒耜種粟而後食乎○相對曰然○謂許行所食者粟信自出

其力也○是則言食姑以開端而闢之○猶未露焉○有食必有衣也○彼既

為斯人之徒○衣服固有所不免者○遂繼詰之以為許子必身親機杼

織布而後衣乎○相則曰否○謂許子所衣者褐○無庸于布織也○是言衣

猶有可遁而闢之○猶未遽焉○至于冠素之織○亦涼非許子之能也○故

孟子

短句似毛詩國風又似易小象

可儀堂

又問之曰許子冠乎相曰冠焉抑何冠乎相曰冠素自織之與粟之

下字斟酌

易也奚不織與害于耕也夫一冠尚不可以自為而與並耕之說自

束法見晉次轉法又友

戾矣闢之長句對短句而段對四段安穩不有隙乎又以耒耨耕之器亦必非許子之能也故又問之

長句對短句而段對四段安穩

曰許子以釜甑爨以鐵耕乎則曰誠有如子之所言耳自為之與則

曰是亦粟之所易耳夫凡器皆不可以兼為而與並耕之說孟背矣

闢之復何道乎吁將欲闢之必故探之孟子于異端不徒嚴于攻擊

而且善于引証者矣

此題散叙差易而截作四段整齊又千問答處一字不漏此非守

溪先生不能背人摹倣史遷叙事但能見之古文詞耳今乃見之

時文此開闢來文章一變何也

瓊上問答不見筆力。守溪愛散叙為整體結句皆有淺深次第。此時文中古文也。

陳百史

格律之妙固不待言。細看其運筆處絕無時文氣味亦絕非古文。蹊徑。試執此文擬一秦漢以來之文無相似者。蓋此乃守溪自作之古文也。學古人之文斯不古矣。此啓禎諸公所望而却走者也。文中字字精工最宜細玩。今所圈者特其筋節處耳。

許子必

王

是尚為能

一句

王 整

大賢指時人之所為。○是○尚○也○乎○神○理○也○不能滿時人之所守。蓋時人之廉必充類至盡。

而後可也。今其所為。豈能滿其所守之類乎。昔匡章以仲子為廉士。

而孟子聞之至此。謂夫以無求為廉者。必當責其廉之極。以自足為

義者。必當充其義之盡。彼拒母之食。而食于其妻者。仲子是也。避兄

之居。而居于於陵者。仲子是也。以母食為不義。則以類而推。天下將

無食。而非不義矣。以兄室為不義。則以類而推。天下將無地。而非不

義矣。母既在所不食。凡母食之類皆絕之。斯可以謂能充之也。兄既

在所不居。凡兄室之類皆外之。斯可謂其能滿之也。今其妻所易之

粟○既○未○必○伯○夷○之○所○樹○猶○其○在○母○者○耳○乃○猶○以○為○義○而○食○之○於○陵○所○
 居○之○室○既○未○必○伯○夷○之○所○築○猶○其○在○兄○者○耳○乃○又○以○為○義○而○居○之○其○
 果○能○充○其○類○乎○吾○不○得○而○知○也○其○果○不○能○充○其○類○乎○吾○亦○不○得○而○知○
 也○不○屑○于○彼○而○尚○屑○于○此○謂○之○全○廉○其○可○乎○智○者○必○知○所○辨○矣○矯○激○
 于○親○而○苟○且○于○已○謂○之○全○義○其○然○乎○論○者○當○知○所○據○矣○然○則○仲○子○廉○
 其○所○廉○而○不○得○誠○為○廉○士○也○

作此題者多矣然能如此作急口順下通一篇圖成一句者惟文
 格耳
 艾千子

急口順下却逐字逐層清出衍十
 由順逐解鎖文甚短而波瀾
 長明于時法文境不窮矣

則不知足

舞之

王 整

天德之外見與天性而相忘夫樂至于相忘化之也自非充積之盛而有得於孝弟者能之乎夫孝弟成于樂尤貴于深樂孝弟而猶和其樂守之也非忘之也必始而樂中而生終而不可遏而至于化焉斯可以言樂矣有其見于足者言之足焉之蹈必有心之蹈而後能踊之也吾孝弟樂之深盛而又盛至順益于中至和暢于外進退而順齊出入而揖遜後長而有徐行之禮相從而有趨進之儀步亦步趨亦趨一莫之為而為矣時之所值莫非至理天性流行身心與之俱化非故蹈而自不能不蹈而其所必蹈之者果為吾親乎抑

○語○明○切○典○雅○

○惻○然○不○知○橫○甚○

○故○

為吾兄乎。吾不得而知之也。自其見于手者言之。手焉之舞。必有心于舞。而後能舞之也。吾孝弟樂之深。新而又新。和順積于中。其華發于外。疾病而抑搔出入。而扶持提攜。而有捧手之教。即席而有握衣之恭。左之左之。右之右之一。莫之致而致矣。事之所適。固非至情天機動盪。心體為之兩忘。非有心于舞。而自不能不舞。而其所以舞之者。果有心于孝乎。抑有心于弟乎。吾不得而知之也。人與天合。殆非人力所為者。樂至是真樂也。其妙孰得而形容之哉。動與神遊。其機非在我者。樂之若是深。樂也。其妙又孰得而名之哉。吁。君子之樂。必求如是而後已焉。

予舞足蹈。切合孝弟。方是先單體認文字。
手舞足蹈。皆是真境。方合著實字。時文認作性真。洋溢謬甚。
文有全篇之美。而傳者亦有敘語之美。而傳者如此。文陳句甚。
止實詮四語。倒結四語。見精采。而全文氣色俱振。譬如清秋之夕。
散雲四布。微露蟾光。觀者知為月之將華也。

則不知王

明不味王

州雲口亦終羅漢出降休味及月之神華也

九寶劍四出於世內此原前亦而今文原出月雖聲味散殊之

大百今益多美而新皆亦自此出之美而散殊出文則自甚矣

手執之觀者異其說也合者實事相文則其非其新也其

光則其說也合者實事相文則其非其新也其

自不為

惟能守其節斯能克其才蓋不為者節而有為者才也苟節之不守

則才何以克乎昔孟子之意若曰人知有為者之可言有為而不無

有守者斯可言有為是故天下之事有當為者為有不當為者為不

當為而為之豈足與有為乎天下之事有足為者為有不足為者為

不足為而為之又足與有為乎非義也錄之天下有不顧非仁也予

之天下有不取人能有所不為如此是能立天下之大節矣既能立

天下之大節自能辦天下之大事蓋其所守者凜然而莫犯所養者

浩然而獨存雖當天下之大任也不以易其心六尺可託百里可寄

而天下之任不足勝矣。雖當天下之大事也。不以改其節。貧賤不移。
威武不屈。而天下之事不足為矣。不為不仁。則仁之所在。雖殺身以
成仁。名為之。不為不義。則義之所在。雖舍生而取義。名為之。是知有
不為之節。故有為之才。苟無所不為。亦安能有為哉。
時文俱作尺蠖之屈。龍蛇之蟄而已。非孟子本旨也。如此方與孟
子生平合觀。其辨伊尹割烹。孔子於衛處便見。艾千子
辭取其朴。不取其浮。理取其醇。不取其駁。先輩所以辨今人也。

晉之乘楚

二節

王 鑒

大賁之論聖經始則同于諸史終則定于聖人蓋春秋未修則為魯

國之史春秋既修則為萬世之法也聖人之作經夫豈徒然哉昔

子之意若曰古之為國也必有史之載事也必有名彼晉嘗霸天

下矣其為史也興于田賦乘馬之事故名之曰乘馬楚嘗霸中國

其為史也取于記惡垂戒之義故名之曰檇杙馬○虛○字○低昂以至魯為中國之

望其始必表年以首事故錯舉春秋以立名也○頃○此○字○可○見○本○經於斯時也春秋未經

仲尼之筆褒貶不明亦一乘而已蕪穢不治亦一檇杙而已○一○句○原是故以

其事言之齊桓創霸于葵丘之盟晉文總霸于城濮之會其事西霸者

之事也。以其文言之。諸侯有言左史記之。諸侯有行右史記之。其文

史官之文也。何以異于列國之史哉。然孔子嘗曰其義則三竊取之。

則夫子以春秋之素王秉南面之賞罰一褒一貶此聖心所自裁

筆一削雖游夏不能贊中國而入于夷狄則夷狄之票于斧鉞之誅

也夷狄而進于中國則中國之寵于華衮之贈也此孔子之春秋雖

曰舊史之文而實為百王之大法也

舊評云其事則齊桓上着是故字轉到孔子竊取上着一然字未

句不作孔子自講此數評語頗盡此文提挈處存之文之世矣

在隨題曲折不更改題面則文有程準而筆自古

世千

國統湯五

也

王

卷

聖人所就之無常不以形迹異其心者也。夫心者理之管也。求合

於此而無媿焉。則其數于去就之間者何嫌哉。且擇君而事者智

小之所以定其交也。委心不變者忠臣之所以介其守也。而伊尹則

有不必然者。蓋其始之就湯也。湯聘之也。推堯舜之學而事堯舜之

君。何今之非古也。其意固如此也。繼而就桀也。湯薦之也。繼成湯之

心而盡成湯之意。何事之非君也。其意又如此也。豈湯之就焉而已

不。公平桀而就湯者五。而往來之不拘。殆有權焉。以通其變而豈常

情之可測乎。豈惟桀之就焉而已。屢命于湯而就桀者五。而推彼之

靡定殆有權焉。○○語○多○有○仁○字○在○內○妙其用而豈淺襟之可識乎。○蓋祭湯之所事也。○不

用于祭而歸之湯。○忠湯即所以忠祭也。○何嫌于就湯之五也。○尹湯之

所舉也。○起莘于湯而歸之祭。○事祭即所以事湯也。○何嫌于就祭之五

也。○○安○頌○伊○尹○也○三○字○也。○○反○起○反○結○提○為○何○必○同○句○作○說○

也。○此伊尹之志伊尹之道也。○苟有見于迹之大異而無見于心之大

同。○徒觀夫迹之萬形而不察夫德之一致。○幾何而不疑其異于夷惠

也哉。

作伊尹題。○能見成湯之聖。○此先筆互文立解處。○讀者不必以臨下

何必同。○後言超會。○陳百史

幾圓而骨勁。○氣疎而理實。○他人解作去留無常。○獨此解作始終

○尹之就桀即古者諸侯貢士于天子之義
事桀即事湯乃見伊尹大節此義不明遂有以荀彧為名世馮道
為時中者而人品不可問矣

五就湯 王

仁也非

內也

王 鑿

時人指仁義之性有本於心者有由於物者夫仁與義皆吾性之固有而無內外之殊者也時人昧此而妄為之辨何其不求于心之甚哉想昔告子之意若曰知食色為在人之性則知仁義有內外之殊何則食可愛而甘之色可愛而悅之皆愛之一端而為仁者也引而伸之凡甘悅之類皆謂之愛有所愛者皆所謂仁是仁也果何在乎○說○內○外○之○多○意思○偏○覺○整○自其未發言之蘊于吾心之隱微而難窺自其已發言之由于吾心之歆羨而莫遏一物之愛固吾愛之也而物不得以與其能百物之愛亦吾愛之也而物不得以庸其力仁惡在○斬○截○乎內而已矣豈有外

○便○見○告○子○未○嘗○心○之○制○

鏘者哉。食之宜于甘。色之宜于悅。皆宜之一事。而為義者也。觸類而長之。凡食色之類。皆有所宜。有所宜者。皆所謂義是義也。又何在乎精粗美惡。即物而自存。夫適用之宜。輕重長短。隨物而自具。夫應用之體。彼之美。宜于好也。吾固不得強而惡之。彼之惡。宜于惡也。吾亦不得強而好之。義惡在。于外而已矣。豈自內出者哉。是則仁在內。由于我者也。義在外。由于物者也。由于我者。固當用力矣。由于物者。亦何必屑。以求合哉。

甘處不端在頂上。食色也。他人代告子語。乃陰護告子。此代告子。乃正代其詖遁之詞。比高于今人處。文于子。

從食色上說出仁內人所能也。從食色上說出義外。人不能也。從
義外見告子不知義人所能也。從仁內見告子不知仁人不能也。
強詞慧眼兩者絕世。

仁內也

王

嘗秦人之

一節

王 鑒

大賢即嘗炙而申其說以明義之非外也。蓋嘗秦人之炙無以異于
嘗吾炙猶長楚人之長無以異於長吾之長也。嘗炙不在外而義獨
在外耶。意謂我謂敬長由于心而子謂敬長由于外故其說不相入
也。姑就子之所明者言之。秦人之炙可嘗也而吾嘗之取其膏腴之
渣口而已忘其為秦也。吾之炙亦可嘗也而吾亦嘗之取其甘旨之
悅人而已忘其為吾也。秦與吾甚相懸也而嘗之則同吾之炙與秦
人之炙皆美味也而好之則一物理固亦有然者矣。而豈獨長楚人
之長亦長吾之長為然哉。由是言之則楚人之長在外也吾之長亦

在外也。因其可長而皆長之。恭敬之禮。觸于應接之頃。汝固以致長
為外矣。秦人之炙在外也。吾之炙亦在外也。因其可嘗而皆嘗之。故
養之物。生于鼎俎之末。汝亦以嘗炙為外。與殊不知。炙雖在外。而所
以嘗之者。由心生焉。固汝之所明也。正猶長雖在外。而所以長之者。
由中出焉。則汝之所蔽也。汝以食色為性。而有仁內之說。以長為外。
而有義外之言。是知其一。未知其二。有見于仁。無見于義也。曷亦即
嘗炙之說而思之乎。

起首繳束補出長上此先輩文中賓主輕重之法。文下子

高在者矣。下然則上忽然插說正意。以下疊用開闔。魯次曲折題

有安社稷

一節

王鑒

大賢論康國之臣惟在康國之功也蓋康國者臣之責也則夫大臣
之所以為悅者謂不在于是乎孟子蓋謂人品高下畧有不同容悅
○先○道○先○社○稷
後臣不足言矣若夫國必有社所以祀后土也而王者之地分焉非
○馬○萬○民○之○所○天○在○焉○儲○以○二○字○覺○有○色
人固無以安之于此有柱石之臣身係天下之重輕而不驚不崩自
○以○天○地○通○人○有○字○呼○謂○也○
有乎牧寧之術國必有稷所以祀五穀也而萬姓之天係焉非人固
○無○以○奠○之○于○此○有○股肱○之○佐○身○任○邦○家○之○休○戚○而○不○震○不○騰○自○有○乎
綏靖之方夫是臣者其心果何心哉亦曰以安社稷為悅而已何則
○君○臣○分○社○稷○指○合○社○稷○故○
君者社稷之主也則思所以致其君而非堯舜之道不敢陳于前深

名
謝遠慮無非乃心乎王室使其不喪七帑而永享乎明禋之福大臣
之心則悅矣豈不猶小人之悅君眷于比而不怠者乎民者社稷
之本也則思所以澤其民而非唐虞之政不以施于下良夫美意無
非允殖乎此民使其黍稷惟馨而永錫乎神明之慶大臣之心斯悅
矣豈不猶鄙夫之事君慘于于是而不置者乎

而此正大端嚴切貼安社稷高甚他人說講安國則浮詞滿紙矣

恭敬者幣

二句

土 整

尚論禮之本然存於文之未然蓋禮存乎中而發乎外者也人徒知
幣帛之為恭敬而不知幣帛之先有恭敬焉是豈知禮者乎孟子曰
當時諸侯不知恭敬之實故言此曉之意謂恭敬一也有恭敬之實
焉有恭敬之文焉諸侯之禮賢也郊迎則用幣承筐是將而土帛之
交錯曰吾之恭也人亦曰恭也不知恭之實有不在於是焉饗食則
用幣旅幣無方而玄重之調盪曰吾之敬也人亦曰敬也不知敬之
實有不在於是焉然則恭敬果何在在乎幣帛未將之先而已且
○單句○恭○之○實○然○不○是○曲○謹○小○心
矣一人之於賢也仰其道德之光而謹抑卑遜之心生焉所謂恭也恭

雖在心而無幣以將之則恭泯於無形何以自達于賢者乎故必玉

帛是將而燕抑卑遜之心以顯恭在先者也幣在後者也恭豈待玉

帛而後有哉仰其才猷之盛而飲翼抵慄之心生焉所謂敬也敬雖

在心而無儀以將之則敬泯于無迹何以自表于賢者乎故必玄纁

是奉而飲翼抵慄之心以著敬在內者也幣在外者也敬豈待玄纁

而後有哉謂恭敬不在幣帛固不可謂恭敬止于幣帛尤不可先後

本末之序則必有分矣抑考戰國之時上下交騖于利非獨諸侯不

知待賢之禮而當時號為賢者亦自莫知所謂恭敬者如蘇秦誇佩

印之榮騶衍於擁篲之飾而亦何暇計其實乎然則孟子之言非獨

請僕發也

只四股文字。前二股虛挑。然後帶上實轉到恭敬。後二股實接。又從恭敬上虛幹到格。湯霍村。

此題教清江所謂一句四股題格。項既東所謂急評呼應格也。前虛兩股為呼。而呼處在股末兩句。後實兩股為應。而應處在股末

三句。夏官明

二公只說得虛法。要知先輩之高。全在立意。每字還他看實地。頭看吾圖處可悟。

恭敬者

王

